

REPublika e Kosovës / Republika Kosovo  
ORGANI SHQYRTUES I PROKURIMIT / TELO ZA RAZMATRANJE NABAVKI

Nr/Br. 945/23  
Datë/Datum. 07.12.2023

PRISHTINË - PRIŠTINA



Republika e Kosovës  
Republika Kosova – Republic of Kosovo  
ORGANI SHQYRTUES I PROKURIMIT  
TELO ZA RAZMATRANJE NABAVKE  
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

**OSHP: 2023/0945**  
**Data e Vendimit: 07.12.2023**

Në bazë të nenit 105 pika 1 dhe 2 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik OE MBUROYA SH.P.K., lidhur me aktivitetin e prokurimit “FURNIZIM ME UNIFORME POLICORE” me numër të prokurimit 214-23-8647-1-1-1, inicuar nga autoriteti kontraktues (AK) – POLICIA E KOSOVËS, Kryetari i panelit shqyrtues, Isa Hasani me datën 07.12.2023, mori këtë:

### Vendim

1. **Hedhet si e palejuar**, ankesa e MBUROYA SH.P.K. me nr. të protokollit 2023/0945, e datës 26/11/2023, ankesë kjo e parashtruar për aktivitetin e prokurimit “FURNIZIM ME UNIFORME POLICORE”, me numër të prokurimit 214-23-8647-1-1-1, inicuar nga autoriteti kontraktues (AK) – POLICIA E KOSOVËS.

2. I lejohej, autoritetit kontraktues – POLICIA E KOSOVËS që të vazhdojë më tutje me aktivitetin e prokurimit “FURNIZIM ME UNIFORME POLICORE”, me numër të prokurimit 214-23-8647-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

### Arsyetim

*-Faktet dhe rrethanat procedurale-*

Organi Shqyrtues i Prokurimit në sistemin elektronik me datë 26.11.2023 ka pranuar ankesën me nr.945/23 nga MBUROYA SH.P.K., lidhur me aktivitetin e prokurimit me titull:FURNIZIM

ME UNIFORME POLICORE” me numër të prokurimit 214-23-8647-1-1-1, iniciuar nga Policia e Kosovës në cilësinë e Autoritetit Kontraktues.

Me datë 26.09.2023 Policia e Kosovës ka publikuar B05-Njoftimin për kontratë lidhur me aktivitetin e lartcekur. Sipas këtij njoftimi afati i fundit për pranimin e tenderëve është 27.11.2023.

Me datë 22.11.2023 OE “MBUROYA SH.P.K., kishte bërë kërkesë për rishqyrtim pranë AK-së. Ndërsa me datë 23.11.2023 AK ka refuzuar kërkesën për rishqyrtim të operatorit ekonomik si të palejuar.

*- Vlerësimi dhe administrimi i provave –*

Nga provat e prezantuara vërtetohet se për aktivitetin e prokurimit “FURNIZIM ME UNIFORME POLICORE” me numër të prokurimit 214-23-8647-1-1-1, iniciuar nga autoriteti kontraktues – Policia e Kosovës konstatohet se njoftimi për kontratë është publikuar në sistemin e-prokurimi me datë 26.09.2023, afati i fundit për pranim të tenderëve ishte data 27.11.2023. Ndërsa me datë 22.11.2023 OE MBUROYA SH.P.K., kishte bërë kërkesë për rishqyrtim pranë AK-së ndërsa Autoriteti Kontraktues me datën 23.11.2023 AK ka refuzuar kërkesën për rishqyrtim të operatorit ekonomik si të palejuar.

Zyra për pranimin e ankesave, pas pranimit të ankesës, gjatë verifikimit nëse ankesa është dorëzuar sipas rregullave dhe dispozitave ligjore, ka konstatuar se ankuesi kërkesën për rishqyrtim tek Autoriteti Kontraktues e ka paraqitur jashtë afateve ligjore.

OE ankues ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtrij kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së.

Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzojë tek autoriteti përkatës kontraktues: *në qoftë se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave.*

Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0).*

Duke u bazuar edhe në interpretimin e KRPP-së të datës 07.11.2023 dhe dispozitave të lartcekura OSHP thekson se sipas Njoftimit për kontratë afati i fundit për pranim të tenderëve ishte data 27.11.2023, andaj OE ankues MBUROYA SH.P.K., ka qenë i obliguar të paraqes kërkesë për rishqyrtim deri me datën 21.11.2023 deri në ora 16:00.

Me tutje, Zyra e pranimit të ankesave pas pranimit të ankesës, gjatë verifikimit nëse ankesa edhe e dorëzuar sipas rregullave dhe dispozitave ligjore, ka konstatuar se ankuesi për ankesën në fjalë, nuk ka ofruar edhe dëshminë e pagesës së tarifës siç kërkohet me pikën 10 paragrafi 1 të nenit 111 të LPP-së.

Konstatohet se ankesa e parashtruar në Organin Shqyrtues të Prokurimit me datë 26.11.2023 nga OE MBUROYA SH.P.K., për aktivitetin e prokurimit me titull:“FURNIZIM ME UNIFORME POLICORE” me numër të prokurimit 214-23-8647-1-1-1, inicuar nga autoriteti kontraktues (AK) – POLICIA E KOSOVËS, hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues dhe nuk ka bërë pagesën ( nuk ka ofruar dëshmi të pagesës) me rastin e parashtrimit të ankesës në OSHP. Andaj Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së.

Si përfundim kjo ankesë është në kundërshtim me nenin 108/A, 109 dhe 111 të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP.

I lejohet, autoritetit kontraktues – POLICIA E KOSOVËS që të vazhdojë më tutje me aktivitetin e prokurimit “FURNIZIM ME UNIFORME POLICORE”, me numër të prokurimit 214-23-8647-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen *vetëm në kriteret e nevojshme* për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues **nuk duhet që të përfshijë, saktësojë ose përdorë kriteret të përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji.** Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Kryetari i panelit shqyrtues, duke u bazuar në atë që u tha si më lartë, vendosi si në dispozitiv të këtij vendimi.

**Këshillë juridike:**

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimi të vendimit.

**Vendimi t'i dorëzohet:**

- AK - POLICIA E KOSOVËS
- OE - MBUROJA SH.P.K.
- Arkivës së OSHP-së:

